

شرح الآيات "1 - 31" | اللقاء (20) | تدبرات في سورة الرحمن | د. حازم شومان

حازم شومان

وكله واليك يرجع الامر كله. اللهم صل على عبده ونبيك محمد. صلى الله عليه وسلم في الاولين والآخرين وفي كل وقت وحين. أما بعد طبعا لحظات جميلة قوي في حياتنا يا اخوانى في الله. اللحظات اللي احنا نعيش فيها مع سورة الرحمن. ونعيش فيها مع رحمات الرحمن. ونفتكر ربنا رحيم قد ايه. يعني احنا قلنا ان دي سورة - 00:00:00

منصور المرحلة السرية انك انت تأسس دينك من الاول ان ربنا رحيم. يعني في اخوة ملتزمين بيدخلوا الدين بفكر يعني استغفر الله العظيم. عارف يعني كان ربنا يعني استغفر الله العظيم. حد ماسك كرباج ومستني لك غلطه - 00:00:20 ها يلا اغلط بقى وشف هعمل فيك ايه. يلا اغلط بقى وشف العقوبة الدنيوية هيبقى شكلها ايه. يلا اغلط بقى وشف النعم هحرملك منها ازاي. يلا اغلط بقى وشف الفتوحات هامنعوا عنك ازاي. ويدخل الملتزم في حالة رهيبة من الوسوسة. اه انا اذنبت او انا مسلا قصرت او انا - 00:00:34

مسلا اه يبقى انا اثرت الدنيا على الآخرة. يبقى انا اترحم من الفتوحات بتاعة ربنا. يبقى انا مش هوصل في طريق ربنا لأن من الاول اتعامل مع ربنا برحمة التعامل مع ربنا ربنا من اول القرآن ومن اول تربية الصحابة نزل لهم سورة الرحمن. سبحانه وتعالى نتعامل مع الله برحمة. عشان توصل - 00:00:54

يعني الكلام ده ممكن ينجم واحد لأن هو عايز ينام اصلاً وممكن يخلي واحد ينشط اكتر لأنه هو عرف ربنا رحيم قد ايه احياناً يا اخواناً يعني الاحباط - 00:01:14

خليك ما تقدرش تستغل. احباطك استصعبك للطريق. انك انت صعبت الطريق على نفسك. انك صعبت تصور الطريق على نفسك. بيخليلك تحبط بيتحول لمصيبة بعد كده. وبيتتحول لكارسة بعد كده. فمن الاول انك تعرف ان ربنا رحمن سبحانه وتعالى. يعني ايه الرحمن؟ الرحمن على وزن فعلان. قال لك فيه فرق - 00:01:24

الرحمن ما زال غضبان. غضبان يعني امتلاً بالغضب. غير غاضب. اه غير غاضب. يقول لك مسلا اه سكران. سكران يعني خلاص غير مسلا ايه واحد سكت فيعني سبحانه الله الرحمن على وزن فعلا يعني الله سبحانه وتعالى الذي فاضت رحمته الله سبحانه وتعالى - 00:01:44

الذى غمرت رحمته كل شيء. فكلمة الرحمن تدل على مدى عظمة الصفة. فيعني يعني ايه الرحمن برضو الرحمن مشتقة من الرحيم. والرحم ديت اللي محيطة بالجنيين من كل ناحية. ما فيش ملي واحد لا يحب بالجنيين من الرحم ولا الجنين يموت - 00:02:04 الميكروبات يموت منها. فالرحم ديت بتحب من كل ناحية. فانت رحمة ربنا بتحيط بك من كل ناحية. بل الحبل السري كمان جوة الرحم بيخترق جسم الجنين مقام الكلي ويبيقوم مقام الرئة ويبيقوم مقام سبع اعضاء من اعضاء جسم الجنين اللي لسه ما تكونوش. فانت انت رحمة ربنا دي رحمة نافذة. رحمة - 00:02:23

تنفذ لك في كل كرب. فمن معاني الرحمن الرحمة النافذة. اللي نفذت للبراهيم في وسط النار. وانت في قلب النار تنفذ لك الرحمة احنا بنسميها ايه بقى؟ اللطف يا نار كوني ايه؟ كوني باردة. يبقى انت الواقع نار وانت ربنا لطف بك انت. انت برضه وسلام عليك. انت العقوبات - 00:02:43

دينوية اللي نازلة بسبب المعاصي ديت انت عايش في برد وسلام انت. برد وسلام تبقى حياتك انت انت من برة ابتلاء. ولكن انت جوة قلبك برضه سلام ما لك من جوة بالسكينة فالرحمة الرحمن ذو الرحمة الالاية؟ ذو الرحمة النافذة. سبحانه وتعالى. الرحمن علم القرآن وقفنا معه - 00:03:03

المرة اللي فاتت ان ليه علم القرآن قبل خلق الانسان وان كان من غير القرآن انت مشبني ادم اصلا فانت على قد ما بتتضلع من القرآن على قد اصلا ما انت - 00:03:23

انت بتتفوز باكبر رحمة من رحمات ربنا في الحياة كلها. وفي الوجود كلها. اعظم رحمة في الوجود هي القرآن. خلق وان ربنا علم القرآن يعني مشبس القرآن وان ربنا علمه - 00:03:33

ان القرآن ينفع يتعلم. انك انت تقدر تحفظه. انك تقدر تفهمه انك تقدر تتدارسه. ان احنا كلنا ماسكين المصاحف دلوقتي وقادعين نتدارس. علم القرآن مشبس انزل القرآن. ان القرآن ده حاجة اي حد يقدر يتعلمه واي حد يقدر يفهمها. واي حد يقدر يتضلع منها. خلق الانسان. فيه فرق كبير جدا - 00:03:43

ما بين اه يعني صنع صنع الله وصنع الانسان. يعني لما جم عملوا اول مرة سكك الحديد اه في اوروبا عملوها في الشتاء فجت في الصيف لقوا الالاية؟ الحديد دخل في بعضه ليه؟ لأن الحديد يتتمدد بالحرارة. فاضطروا انهم يشيلوها ويعملوها تاني بمعامل تمدد - 00:04:03

يحسبوا الحديد في الصيف هيتبعد قد ايه ويسيبوا فراغات ما بين قضبان الحديد وبعضاها عشان يستمر. فالانسان لما بيصنع الحاجة مش من اول مرة يبقى لا يصح اول طيارة شكلها يضحك اول عربية شكلها يضحك. والعربية اللي الوقتي احنا فخمة جدا بعد خمسين سنة ممكن لو واحد شافها يقول ايه ايه التخلف ده هو في يوم - 00:04:23

كان في واحد من الناس بيركبوا العربيات المتختلفة دي. انما صنع الله سبحانه وتعالى يعني قال لك لما الانسان نزل القطبين عشان بقى الابحاس العلمية او عشان يعيش في بعض اماكن فيها فبيقول لك العلماء لقوا ان المفترض مية المية بتتجمد عند صفر. فلو ان مية العين لا تتججمد رغم ان هو اصلا درجة الحرارة - 00:04:43

سنك بتوصل لاربعين آآ تحت الصفر. فلقوا ان فيه مادة ربنا اودعها في مية العين لا تتججمد مهما نزلت درجة الحرارة طب ده معناه ايه؟ يعني ربنا الانسان نازل مسلا من عشر تلاف سنة على الارض. ربنا سبحانه وتعالى عامل له اعتبار ان بعد عشر تلاف سنة. فيه واحد هيروح القطب الشمالي - 00:05:03

ده هزا الرجل لا يتجمد مية العين بتاعته. وده معاني من معاني قول الله سبحانه وتعالى يدبر الامر. يعني ايه يدبر الامر؟ التدبير انك انت تعمل حساب اللي لسه جاي. يعني مسلا مدينة المنصورة. مسلا مسلا من خمسينية سنة اتبنست مسلا على سبيل المسال. خمسينية سنة اللي بناتها ما كانش عارف ان في يوم من الايام هيسكن فيها ستة مليون - 00:05:23

بني ادم وما كنش عارف ان في يوم من الايام السنت ملليون بنبي ادم ده هيبقى فيه عربيات وان العربيات ديت هتخنق المرور وان الشوارع اللي اتخططت دي مش هتبقى كافية لحياة الناس - 00:05:43

وان هيحضر الناس انهم يطفلو من البلد ويعملوا حاجة اسمها المنصورة الجديدة. مش عارف يروحوا فهو انما ربنا لما خلق الكون لما خلق الكرة الارضية مخطط رزق كل بنبي ادم قدر فيها اقواته. لحد يوم القيامة. كل نفس هيتنفسه مولود - 00:05:53

اتولد قبل يوم القيامة بدقيقة ربنا مرتبه له. ربنا مدبره له. كل بق مية يشربه. كل يعني لقمة يأكلها فده ايه؟ يعني الفارق ما بين ان اه ما بين صنع الله سبحانه وتعالى وما بين صنع الانسان. خلق الانسان فانت انت مجمع رحمات. انت كل حاجة - 00:06:13

حاجة فيك رحمات. يعني كل حاجة فيك لو اتشالت الحاجب بتاعك بس لو اتشال. هات ملكة جمال العلم كده وشيل الحاجب بتاعها. هيبقى شكلها عاملة زي هامان كده في افلام الفراعنة كده. هتبقى مرعبة - 00:06:33

هيبقى كائن مرعب شيل اي الضواهر بتاعك دا لو اتنزع. شف بس انت جسمك هيبقى شكله ايه. شف بس لسان المزمار حته بتاعة الكزا ميل دي اللي في زورك دي لو اتشالت انت - 00:06:43

موت من اقل بق مية تشربه. لان ما عدش فيه اشاره حمرا وصفرا جوة زورك. ايه اللي يدخل القصبة الهوائية وايه اللي ينزل المريء.
ما عدش فيه عسكري مرور واقف ينزم لك - 00:06:53

الحركة ما بين الهوا وما بين الماية جوة الحلق بتاعك. فانت كل حاجة فيك جواها رحمات. حته الدهن اللي ربنا واضعها ما بين كل عضلة وعضلة من خمسミت عضلة اللي في جسمك. لو ما كانتش موجودة كان الاحتكاك ولعك عضلاتك. كنت تيجي تتحرك تلاقي جسمك ده كله نار. ها الغشاء اللي حوالين القلب الغشاء - 00:07:03

اللي حوالين الرئة الحاجات دي كلها لو مش موجودة انت كان جسمك مع كل نفس بقى نار موقدة جوة صدرك. مع كل نبضة قلب كانت بقت نار موقدة جوة قلبك - 00:07:23

رحمة ربنا سبحانه وتعالى خلق الانسان. علمه البيان. علمه البيان ديت العلماء قالوا فيها كذا قول. من ضمن الاقوال علمه البيان اي علمه ان يبين بين الخير والشر علمه ان يبين بين النفع والضر. علمه ان يبين بين ما فيه مصلحته وبين ما لا يصلح امره - 00:07:33 علمه البيان ان ربنا علمك ما يعني زي ما ربنا بيقول كده وهديناه التجدين. هديناه التجدين ديت يعني ايه؟ من احد الاقوال هديناه التجدين اي هديناه التدرين التجدة اللي ربنا نجد بها الانسان اول ما اتولد اللي هو ثدي الام، فيقول لك الانسان ولد لا يعلم الا معلومة واحدة بس في الحياة. يعني الانسان لما اتولد ما كنش عارف اي حاجة خالص - 00:07:53

في معلومة واحدة اللي يعرفها ان هو يعرف يحط بقه على ثدي امه ويقدر يرضع بطريقة معينة يخض ويبسط عضلات بوقه بطريقة معينة فيقوم ينزل اللبن في بوقه. فدي معلومة ما حدش ضرب الجنين عليها. ولا حد عمل له آآ يعني مركز تدريسي او دورة تدريبية على ازاي يرضع فيها - 00:08:13

ولا حد هو مولود عارفها ازاي؟ هي دي معلومة مش سهلة ان حد يعرفها. ازاي ان هو يحرك علامه الثدي يضغط ويفك بوقه ويضغط ويفك بوقه ويبدأ ياخد البتاع ويبدأ يطلع زي دي معلومة مش حاجة لعبة يعني. ان في انسان يعرف فقال لك دي المعلومة الوحيدة اللي الانسان مولود عارفها. ولوالا الانسان اتولد عارف المعلومة ديت كان كل البشر ماتت - 00:08:33

كانش انسان قدر يعيش. فدي علمه البيان. ان ربنا علمك ازاي تعرف مصلحتك وازاي تبين من الخير والشر. القول الثاني والبيان اي علمه ان يستطيع ان يبين عما في وجданه وعما في مشاعره وعن ما في داخله. يقول لك كلية الفنون الجميلة فن النحت فن الرسم وعبد الضوابط - 00:08:53

فن اللي انك تقدر تمسك قلم وتكتب اللي جواك انك تقدر تعمل خواطر انك تقدر يقول لك فلان عمل كتاب زكريات لا مذكرات وقعد يكتب وان واحد يكتب جواب لمراته يقول لها بيحبها قد ايه ما ينفعش لحبيبته طبعا. ان آآ ان واحد ان واحد يكتب قصيدة شعر - 00:09:13

عبر بيع عن السورة اللي جواه ان واحد يقدر يدي خطبة ان آآ ان في تعبير وش والبودي لاند ولغة الجسد يقول لك فيه لغة العيون بص له كده فهم هو عايز منه ايه. ها يقول لك الواحد ومراته بينهم وبين بعض ايه؟ لغة. هو من نظرة عينيه تفهمه. مفروض يعني. ده المفروض - 00:09:33

قيل يحكى ان هو المفروض يبص لها يا شيخ ايهاب ما ينفعش احنا حبيب قلتنا يا شيخ خالد. اه المفروض ان هو يبص لها بصمة عين بس كده يفهم هي عايزه ايه على طول. ها هي طبعا هو ده مش زكاء منه ده لان هي مفهومه دائما - 00:09:53 عايزه ايه تبقى عايزه فلوس كده يعني. فاه اه ما شاء الله الخوف علم من خاف سلم. يعني فدي علمه البيان تخيل لو فيه قطة بتغمز عينيها كده ولا فيه كلب مسلا بيعامل باي باي لكلب تاني كده مسلا ولا فيه مسلا آآ حمار مسلا شافك كده وقام واقف كده وقام مبرق لك - 00:10:13

سلام ورفع حواجبه بالاندھاش مسلا انت ازاي لابس اللبس ده مسلا تخيل انت جاي ده احنا كنا اتجننا فيها يعني تخيل هتخيل مسلا لو كلب تخيل بص كده على وشوش الحيوانات ما فييش بيان خالص. ما فييش خالص اي تعبير ما فييش اي ما فييش اي آآ خيبودي لاندوينش ما فييش اي - 00:10:33

ما فيش قطة تكتب شعر ما فيش. انت ربنا اداك سبعتلاف وسيلة تبين بها عن وجدانك. وعن اللي جواك. سواء لله او او ايه للبشر من حواليك؟ علمه البيان الشمس والقمر بحسبان. دي طبعا من اعزم ايات حنان الله في القرآن ومن اعظم الایات اللي تفجر الاحساس بحنان الله في قلبك في القرآن - [00:10:53](#)

شمس والقمر بحسبان ديت يعني بصوا يا جماعة يعني قال لك بحسبان جمع حساب. يعني كلمة حسبان جمع. جمع حساب. يعني مش الشمس والقمر فيه حساب واحد ربنا حسبهم في حركتهم. ده حسبان ده الشمس والقمر ديت يعني - [00:11:13](#)
من الحسابات الكثيرة جدا من اجل مصلحتك انت. ازاي بعد الشمس لو الشمس كانت هتبعد شوية كنت انت تلجمت. لو كانت اقرب شوية كنت انت اتحرقت. لو كانت اكبر شوية كنت انت ولعت. كانت الارض بقت فرن لو كانت اصغر شوية كنت انت اتجمدت. لو كان القمر بقى اكبر او اصغر او اقرب او اقرب او ابعث كانت حركة المية - [00:11:33](#)

البحار غرقت البشرية. يا اما ما لقتش مایة. طب لو كان طب لو كان الشمس بقى دورتها اطول من كده يعني انت الكواكب اللي على شمالك وشمالك اليوم فيها ممكن يوصل لستين. اليوم يعني ايه اليوم؟ يعني دورة الشمس. يعني يعني النهار مسلا يبقى سنتين والليل مسلا يبقى سنتين. يعني - [00:11:53](#)

ما هو اليوم والليل ده اللي هو فسرعة الشمس واتجاه الشمس ده محسوب. حجم الشمس ده محسوب. عشان كده لما تبص للشمس والقمر دول رسالتين حنان من ربنا لك. لو انت جبته تسيء الظن بالله بص بس لفوق كده. بص لفوق. لو شفت الشمس او بص شفت القمر افتك حنان الله - [00:12:13](#)

بالزبط كده ولله المثل الاعلى بالزبط زي الام كده الوقتي شف كده مسلا لو فيه طفل مسلا لونه كده وآآيشوف امه دلوقي بقى بتلبسه قد ايه بلوفر على انت بتعمل ايه - [00:12:33](#)

تقول لك لا انا لازم احسب له كوييس ايه عشان ما ميردش. طب في الصيف لأ خف له بقى ولبسه ليه عشان بتحسب له تقل الهدوم بتاعته. هي تقوى لله المثل الاعلى زي برضو اية للعلماء قالوا ده ده حنان لا يفعله الا الایه؟ الا الام بطفلها. زي قول الله ايه؟ ها؟ مع - [00:12:43](#)

اصحاب الكاف ونقبهم ذات اليمين وذات الشمال. قال لك ده دي الام مع ابناء اللي تقدر تقبله اول ما يتولد عشان ما فقال لك ونكلهم دي كلمة كلها حنان هم نايدين لقيوا هنا يقلبو ليه؟ عشان ما يدوروا الدماغ ما تقفس. عشان ما يحصلش ايه؟ بيسموها ايه؟ اه - [00:13:03](#)

هي بتيجي من ايه بقى؟ ان الدار والامر تقف تهدى خالص فيقوم يحصل بقى التقرحات ويحصل اكل ربنا يحفزنا يا رب ويعافيينا يا رب ويعافي كل مريض مسلم ويحفز باقي المناز الفظيعة اللي بنشووفها لما يكون في مريض مشلول ونائم على السرير وايه ولا يتحرك ده هو مناز مرعبة يعني. ربنا يشفى كل مريض مسلم ويشفيه - [00:13:23](#)

وعافنا يا رب اللهم امين. فالشمس والقمر بحسبان. ده ده من اعظم اية ان ربنا حسبهم لك بالسانية بالحجم بكمية الاشعاع بكمية الاضاءة عشان مصلحتك عشان تقدر دفيان عشان الدنيا تبقى آآ اوتوكلاف رباني زي الاوتوكلاف - [00:13:43](#)

كده لدكتور السنان بيحط فيه الادوات يعقمها. الشمس دي بتعمق لك الارض كل يوم. فانت كل حاجة محسوبة ليه؟ عشانك انت. يبقى انت ممكن اقرأ الایة ديت باحساس بجال الله. ده ربنا كنا محسوب بالثانوية وده قوله ابن تيمية ان شمس القمر ايه؟ محسوبين بالساري. يعني كل حاجة في الحركة الكون محسوبة. فتاخدها على هيمانة - [00:14:03](#)

في الله وعلى جلة وممكن تاخدها على حنان الله بك. انما محسوبة عشانك انت. عشان مصلحتك انت. حنان الله. اه بعض العلماء قالوا الشمس والقمر بحسبان اي اجلهما محسوب يعني من الوقتي محسوب اجل الشمس الشمس هتموت في لحظة معينة. القمر هيموت في لحظة معينة. يبقى لهم اجل عند الله والاجل ده - [00:14:23](#)

محسوب فايه فتل برضو على هيمانة الله سبحانه وتعالى. والنجم والشجر يسجدان فيها قولين النجم والشجر. القول الاول قول ابن عباس قول ابن عباس ان النجم هنا هو ايه يا طارق؟ - [00:14:43](#)

قول ابن عباس يا شيخ مش عارف قول ابن عباس عايش ازاي وانت مش عارف اما قول ابن عباس ان النجم هنا اية ما شاء الله
دكتور احمد قال اهه آهه آهه النجم هنا الله - 00:14:56

نعمت قال لك النجم في القرآن تلات حاجات. ايه هم ابو عمر؟ النجم في القرآن عبر بها عن تلات حاجات. ايه هم؟ ها طب انت يا ابو عمر؟ نجوم السماء ده اول معنى. المعنى الثاني. نجوم النبات اللي هي النبت اللي طالع من الارض اللي هو نجمة يعني من الارض يعني - 00:15:09

نجم الثالث نجوم القرآن. فلا اقسم بموافق الايه ؟ النجوم اللي هي القرآن اللي نزل من السماء. قال لك دي دي التلات انواع من النجوم في القرآن هنا النجم بقى اختلفوا. ايه بقى النجم ؟ فطبعا هنا النجم اختلقو ما بين ابن عباس قال لك البنات الصغفون اللي لسه طالع

العلماء وكثير من المفسرين قالوا لا النجم هو ايه؟ نجوم السماء. فهل معنيين؟ لو معنى ابن عباس النجم يبقى النبطة وهي لسه صغونة نونه كده النبات ساجد مولد ساجد. ها والشجر بعد ما بقى بقى كبر وبقى شجرة كبيرة. فيها عشرين الف ورقة. تخيل لو انت دخلت مكان: اقيمت عشرين: الف واحد - 00:15:49

قادعين نجيكم من خشية الله. وقادعين يسبحوا ربنا ده انت قلبك هيقف. فانت عشان كده لما تقف قدام شجرة المفروض قلبك
يقف. اما تتخيل بس ان فيه عشرين يعني الشجرة دي سباحة - [00:16:09](#)

رينا اكتر من كل المتدينين اللي في العالم الاسلامي. شجرة واحدة بس. سباحة رينا في عمرها. انت متخيل بقى النجم يعني معناها النجم والشر يعني النبات من لحزة ولادته للحظة موته ساجد. يبقى سجدة يعني تبص للشجرة كده انت سجدتني - 00:16:19
رينا اانا لو عشت خمسين عمر في عمري اانا مش هسجد لرينا زي شجرة واحدة. بعض العلماء حاول بقى يقول سجود الشجر فجاتي معنى حلو قوي. معنى جميل جدا بس عايزيين عشان نشبهه عايزيين حاجة ايه نشبهها بها كده. دي ايه؟ دي يا آآشيخ. دي يا محمد. لأن

انت لسه برضه مش لأبص احنا عايزين بقى دي شجرة ودي ايه لأ دي الشمس دي الشمس ياشيخ حد مسك لي الشمس كده؟ امسك الشمس.. الشمس طلعت منين؟ من الشرة.. صح؟ ودي الشجرة - 00:16:59

أول ما الشمس طلعت بيحصل ايه؟ يحصل الضل. ها؟ فيبدأ الضل. تطلع الشمس تبقى شوية كده يا ابو عمر. الشمس كل ما تطلع الضل ايه؟ الضل الاول بيفضل يكسب يكبر يكبر يكبر. خلاص؟ بيبقى الوقت ايه؟ تخيل بقى ان انت تضل. انت الضل ده اللي قام. انت وقفت بق. انت بدأت تصح. من النهم قمت، الضل، لما وقف - 00:17:19

الطفل اقصاه هنا الشمس جاية فطبعا في الظل عكسها. فانت وصلت لاقصى وقوف لك. خلاص وقفت اهو. بعد كده هتبأ تعمل ايه بقى؟ طلع بقى الشمس لا الشمس ما تطلعش كده يا ابو عمر. آآشيخ ايمان. الشمس بتطلع كده! قالت الله! هي كل ما الشمس بتيجي كده كا ما الاضا سدا ايه؟ بتقاصر كده طلع كمان: الشمس - 00:17:39

لحد ما بقت فوق الشجرة فضي لي بقى ايه صفر كده. خليها تغرب بقى يا شيخ ها لا تغرب كده يا شيخ. تغرب كده يا شيخ فوهي بتمرق كده الضل بدأ ييجي ايه بدأ ييجي كده كده لحد ما غر. ده بنفسه جزارك هات الشمس بقى. جزار الله خير. ليه يا

فانت تخيل المنزد ده بالزبط هو منزد انسان بيسجد بالزبط يعني راقب حركة الضل على مدى اليوم وقف اهو الشجرة اهي الضل وقف. اه البني ادم وقف وبعد كده قعد يسجد يسجد يسجد قام نازل هو ساجد لله سبحانه وتعالى. فقال لك ان -

ودوران الظل مع الشمس من الشروق الى الغروب يمسل سجود الانسان. بالضبط. لأن واحد قام واقف وقام ايه وقام ساكت. ده معنى تاني بقى النجم اللي هو نجوم السماء. ودي طبعاً من المعاني الجبارية في القرآن ان القرآن تكلم عن اه سجود النجوم. زي ايه سجون النجوم كده في القرآن - 00:18:39

زي ايه؟ هي زيها يا شيخ عوض ها قال سروي. احنا معنا اتنين من ال سروال. يعني زي ايه هنا زي قول الله والنجم اذا هو من بعدها النجم ازا هرب - [00:18:59](#)

هو اصلا اتدرون اين تغرب الشمس؟ ايه تزهب لتسجد. فقال لك هروب النجوم ده سجودها. ان النجم بقى ايه؟ يعني النبات بيسبس جد كده والنجم بيسبس جد ها يعني النجم من فوق بيسبس جد بقى ايه بعكس حركة سجون النبات. فالنجم بيقول كده. فالنجم بيروح يخرج يسجد لله سبحانه وتعالى. فقال لك والنجم ازا هو نجم - [00:19:13](#)

ازا سجد منزد النجم وهو بيهمي غالباً بيهمي للسجود. زي قول الله فلا اقسم بموضع النجوم من ضمن الاقوال موضع النجوم اللي هي ايه تجارب النجوم وهي نازلة تسجد لله. يعني مليارات النجوم دي وفي صلاة جماعة. وهي كلها نازلة تسجد لله سبحانه وتعالى. فالنجم والشجرة زي زوزان هنا مليار - [00:19:33](#)

النجوم في السما نازلة بتتسجد في نفس اللحظة اللي مليارات الاشجار واوراق الشجر في الارض بتتسجد كون كله فوق وتحت بيسبس جد لله سبحانه وتعالى. بيسبس جد لله بقى ليه يا شيخ محمد؟ بيسبس جد لله يا شيخ عبدالله. احنا في سورة الرحمن سورة الايه؟ النعم وسورة - [00:19:53](#)

عماد شكر الله سبحانه وتعالى. الكون كله بيذكر الله على النعم. يعني تخيل كده يعني من اخر الاية دي فضحتك. الاية دي خلت خد بائن خلك منزرك كده عاري قدام نفسك. انك انت واقف الكون كله بيذكر رينا وبيسبس جد لله بالتعظيم والشكر - [00:20:13](#)
انت واقف يا عيني ايه! هو ربنا عمل في كده ليه! هو ربنا ما ادانيش كذا ليه! هو يا اخي ده انت بتلخبط نعم الفقر تحتك. من مفرق رأسك حتى اخمص قدميك - [00:20:33](#)

اسبغ عليكم نعمة اغرك. غررك نعم. والسماء رفعها. ووضع الميزان. ورفع السماء قال لك طبعاً عظيمة رفع السماء غير ان هي ايه مشهد من مشاهد جلال الله سبحانه وتعالى. والسماء رفعها عكس ايه؟ عكس ايه في الصورة؟ والسماء - [00:20:43](#)

آآ رفعها عكس بعدها بتلات ايات والارض وضعها. ما بين السماء رفعها والارض وضعها ووضع الميزان ووضع الايه؟ ووضع الميزان. الا تطغوا في الميزان. واقيموا الوزن بالقسط ولا تخسروا الميزان ده اربع مرات. وضع الميزان الا تطعوا في - [00:21:03](#)

ميزان اقيموا الوزن لا تخسروا الميزان ايه ايه الموضوع التكرار الرهيب لكلمة الميزان وكلمة الوزن هنا خدوا بالكم يا اخوانا طبعاً الميزان هنا العلماء مختلفين فيه هكذا قول في قول الميزان اللي انت بتروح توزن فيه الزيت والسكر يعني خدوا بالكم من الايه من الموازين بتاعتهم. فيه قول تاني الميزان والقرآن. لان القرآن ده اللي انت بتوزن به كل حاجة - [00:21:23](#)

اللي انت بتعرف به وزن كل حاجة. مصيبة انك انت تعيش وانت مش عارف وزن الاشياء مصيبة انك تعيش وانت ما انتاش عارف وزن الفلوس ايه. فانت قاعد تجري تحصل فلوس على طولها وانت ما انتاش فاهم هو ايه هو يعني - [00:21:43](#)

اي قيمة الفلوس في الحياة؟ يقول لك انا انا عايز فلوس ليه؟ عشان اعيش سعيد في بيتي. عشان اصرف عليهم في عيش سعيد. طب الفلوس دي شغلتك قاطعة اصلاً عن بيتك - [00:21:58](#)

طيب ما هو الصلاة لما هكبر ان شاء الله هلاقي وقت بقى. طب هو هو ايه الدماغ اللي انت فيها دي! انت رايح فين رايح الشغل؟ جاي منين؟ جاي من الشغل. طب انت بتشتغل ايه - [00:22:08](#)

عشان اه عشان اكل. طب وانت بتتكل ليه؟ عشان اقدر اشتغل. طب هو انت هو انت يعني ايه؟ انت عايز بس تقف عشان تفهم وزن كل حاجة عشان كل حاجة حقها. قد جعل الله لكل شيء ايه؟ قدرها. انت لازم تعرف قدر كل حاجة. فمن يعني تخيل مسلا ايه موبايل زي ده. آآ فانا معی مسلا خمستاشر - [00:22:17](#)

مليون جنيه. قلت لك خد خمستاشر مليون جنيه واديهم لي واديني الموبايل ده. بيقى انا ايه؟ بيقى انا انسان بضيع فلوسي. بيقى مصيبة انك ما تبقاش عارف وزن الشيء. وزن الشيء بيخليلك اه ماشي ده مهم. انما - [00:22:37](#)

ابتدى يندفع فيه تلت تلاف جنيه او اربع تلاف جنيه ده ما يتدفعش فيه مليون جنيه. ما يدفعش فيه. فانت انسان دفع عمره في حاجات ما تساويش. في حاجات ما يستاهلش. فمن نعم ربنا ان - [00:22:47](#)

ربنا في القرآن وزلك كل حاجة. وعرفك وزن الجنة وزن الدنيا. عرفك وزن كل شيء. بحيس ان وزن احتياجك للخالق وزن احتياجك للمخلوق بيحب وزن الشهادة وزن سناء الناس وزن سم الناس. وزن اهل الباطل. عشان ما تخافش من اهل الباطل. ما تخافش من حاكم ظالم. وزن اهل الباطل - 00:22:57

وزن كل حاجة ربنا وزن لك كل حاجة. بحيس انك انت تعيش حياة سليمة. وبرضو يا اخواننا معنى ان الميزان يجي بالمنزد ده. ان ربنا احنا دلوقتي في سورة الرحمن احنا في - 00:23:17

السرية يعني احنا دلوقتي في الصور التأسيسية لدين الصحابة. ده التأسيس الديني لك. دي المعاني التأسيسية لدينك ولحياتك. ان ربنا من اولها بيطلب من الملتم الجديد ها لان دي صور المرحلة السرية بقى ده التأسيس. بيطلبوا من الملتم الجديد انه يبقى انسان متوازن. انك انت من الاول لازم تبقى انسان عندك موازین في حيائک - 00:23:27

السير متوازن في كل حاجة. متوازن في سلوكك. عندك توازن بين الدين والدنيا متوازن في تصوراتك. يعني انت في الاول في الدين نفسه عشان كده قال لا تطغوا في الميزان. قال لك ايه الفرق بين الا تطغوا في الميزان وبين ولا تخسروا الميزان - 00:23:47
لك افا الا تضعف الميزان انك تعلي كفتلك فوق قدرها الحقيقي. ولا تخسروا الميزان انك تنزل كفة غيرك تحت وزنها الحقيقي يعني قال لك تطعوا في الميزان مسلا ده المسجد اللي احنا بنصلی فيه ده الاخوة اللي فيه هم الابطال. انت عارف مسلا اللي بيمشي مع اخوه عايز ايه او اللي بيمشي - 00:24:02

معين عايز يخليه هو الامام. اللي مسلا ماشي مع جماعة معينة عايز يخليها هي الحياة. الا تطغوا في الميزان. كل واحد مسلا عمل حاجة عايز يهياً للناس ولنفسه ان الحاجة دي هي يا عم اوزن نفسك صح. ما تعليش نفسك فوق الزرع الحقيقي. ولا تخسروا الميزان لما تكره بقى ما تقضسش - 00:24:22

شي وزن اللي قدامك. اتعلم انك تتوازن في رضاك وغضبك. اتعود انك تتوازن في حبك وكرهك. اتعود انك تتوازن مع اللي احسن اليكم مع اللي اساء اليك يعني ربنا بيعلم الصحابة هنا التوازن في الفهم والتوازن في وزن الامور. وبيعلمهم التوازن في التعامل مع الحياة في جميع المشاعر - 00:24:42

وبيعلمهم ازاي انك تبقى انسان متأمن. التوازن يا اخواننا في المفاهيم وده طبعاً ممكن تبقى حاجة غريبة جداً. المفروض نتكلم فيها درس الجمعة الجاوية ان شاء الله يعني. بس ممكن تبقى حاجة غريبة جداً - 00:25:02

اللي هي يعني ايه آآ انك تبقى متوازن في فهمك للدين. نحن مثاليون في تصور قال ايه؟ الهدف واقعيون في تصور الطريق. يعني ايه مثاليون في تصور الهدف وقعوا في صور الطريق؟ يعني ايه الهدف بتاعك؟ انه اواب مسل زي ما - 00:25:12
يعني ايه اواب؟ يعني عنده اوراد مقدسة وخلوات مقدسة مستعد يدبح عشرين الف فرس عشان في يوم واحد وارضه وقع منه فيه. ورد المجاهدة راح بسبب ايه؟ بسبب حاجة. فده ده الهدف ولا ده الطريق؟ بالنسبة لي انا ده الهدف - 00:25:30

ده الهدف. انا نفسي ابقي قوام. مش نعم العبد انه اواب. انا نفسي ابقي نعمة العبد. طب الطريق منين ابقي نعمة العبد يا رب ايه؟ انه اواب. ده اسمه الهدف. انما الطريق ايه - 00:25:50

ايه الطريق اللي لا يمكن انا بقى هقبل انكره كل يوم. بيقى هنا مش كل يوم يعني ايه مش كل يوم؟ يعني عمر ابن الخطاب رضي الله عنه وارضاه كان بيشتغل يوم ويبيتفرغ للنبي عليه الصلاة والسلام. يعني يوم ما يجي يقعد في بقية الايمان من الفجر لليل ويوم ما يجيش اصلاً ولا يصلـي - 00:26:00

ما عدا اصلاً ولا يصلـي الفجر معنا بىصلـي في الايه؟ في المنطقة بتاعته بقى. لأن المدينة المنورة طبعاً كانت مناطق. يعني المدينة مش كلها كان بىصلـي في المسجد النبوـي. ده المدينة المنورة دي سبع قرى - 00:26:20

مكان منطقة مكونة من سبع قرى. فكان كل مكان له مسجده. عمر بن الخطاب بقى كان يجي للنبي عليه الصلاة والسلام يوم ويوم ما يجيـش. بيقى ازا يوم بيـقعد جلـسة الضـحـى ويوم ما - 00:26:30

الله يعني ايـه؟ ما هو انت مش كل يوم. مش كل يوم مش معناها آآ ان انا بقى النهاردة بقى ايـه ما ليـش مـزاج بـقـى. اما اما ايـه اما لا

افرض النهاردة انت مشغول - 00:26:40

افرض النهاردة انت وراك حاجة. افرض يا عم انت امبارح جاي مهلكان بالسفر الساعة اتنين بالليل. هتبزبط المنبي برضو على الساعة آآ على الساعة اتنين وربع زي ابو مسلا عشان تقوم الليل تلات ساعات قبل الفجر مسلا. لأن مش هتزهر الاجابة هتزهر على الفجر النهاردة ايه ؟ يبقى ازا فيه حاجة اسمها مش كل يوم. عشان كده قال رسول الله - 00:26:51

وسلم. عليكم من الاعمال ايه يا شيخ ايهاب ؟ ما تطيقون. عليكم من الاعمال ما تطيقون. عبدالله بن عمرو بن العاص. النبي قال له صوم ثلاثة ايام في كل شهر. مش كل يوم. مش - 00:27:11

كل يوم هتقدر انك انت صندوق ايام خطير جدا يا اخواننا. كلام خطير جدا. يعني ايه مثال هنا في تصور الهدف ؟ يعني النبي عليه الصلاة والسلام كان منظم كل حاجة في حياته. النبي درس النساء كان كل يوم ايه - 00:27:21

يوم اتنين زيارتكم قبور آآ البقىع كانت كل يوم ايه ؟ سبت وكانت امتي يوم السبت ؟ مش في اي آآ زيارة قباء مسجد قباء كان كل يوم ايه ؟ سبت. ها ؟ والنبي عليه الصلاة والسلام. طيب زيارة مقابر البقىع كان كل يوم ايه ؟ كان كل يوم السيدة عائشة. النبي رابطها بيوم السيدة عائشة عليه الصلاة والسلام - 00:27:31

ومش في اي وقت في يوم السيدة عائشة. في وقت امتي حد يعرف امتي ميعاد زيارة النبي عليه الصلاة والسلام للقبور ؟ حد يعرف ايه ده ؟ في السحر الاعلى قبل الفجر. ده الوقت اللي النبي عليه الصلاة والسلام كان - 00:27:51

دكتور في المقابر عليه الصلاة والسلام يعني النبي عليه الصلاة والسلام كل حاجة قيام الليل نصف الليل. كم ركعة ؟ حداشر ركعة. وحتى وقت النبي مع زوجاته النبي كان بيرتبه عليه الصلاة والسلام. تلات او تلات حاجات النبي كان بيعملها مع زوجاته يومية. في آآ الصبح يفوت عليهم بعد - 00:28:01

في عصر يفوت عليهم تاني ويسلم عليهم ويطمئن عليهم يعني انك انت تتصل بمراتك كده مسلا ابو عمر مسلا ايه تقول لها كلمة حلوة مسلا بعد العصر. او بعد الفجر بقى تبعت لها مسج حلوة. ها آآ بعد بالليل بقى كان النبي له مجلس مع زوجاته كلهم مجلس توجيهي بالليل بقى - 00:28:21

زوجة اليوم بس يتكلم معها يسمع منها حديس ابو زرع وام زرع حتى لو قعدت ساعة تتكلم يبقى النبي عليه الصلاة والسلام كان مرتب كل حاجة في حياته. يبقى انا كده بقى - 00:28:41

انا كمان ايه ؟ ده اسمه الهدف ولا الطريق ؟ بالنسبة لي انا. ده الهدف. الطريق بقى هل انا اقدر ابقى قطر ما هو ده معناه ان انا قطر ان انا حيaticي بقت مظبوطة على ساعة بيت بن. ان انا حيaticي بقت الساعة كذا لساعة كذا قيام الليل. طب انا مش هقدر ابقى قطر - 00:28:51

انا عشان ابقى قطر قدامي عشر ساعات سانين مجاهدة مسلا. او عشرين سنة مجاهدة. دا ان قدرت ان انا اوصل للمستوى دوت والافق دا يبقى فيه حاجة اسمها مش كل يوم. لازم تقبل انك مش تبقى قطر - 00:29:10
مش ممكن مش ممكن قيام الليل بتاع كده قطر. مش ممكن الا لو حاجة مسلا زي جلسة الضحى انت اصلا ن Zam حيaticك اترتب عليها. انما في حاجات انت لم تتعود - 00:29:20

انا من وانت صغير. احنا ما اعتودناش ان احنا نصحى من قبل الفجر واحنا صغيرين. فقيام الليل بالنسبة لك ده بالمجاهدة. هتقعد لك عشر سنين تجاهد فيه. فلازم تقبل كده. غير ان ما فيش - 00:29:30

حاجة بتيجي في يوم. يعني هل انت مسلا لو قعدت جلستين ضحى حصل اليقين ؟ هل انت لو قمت ليلتين هتحصل الاخبارات ؟ هل انت لو صمت يومين هتحصل الانابة ؟ ده دي - 00:29:40

ما بتجييش في يوم وليلة. فانت كده هي بتشفوفه ليلة. عشان كده النبي عليه الصلاة والسلام قال ليصلي احدكم ايه ؟ نشاطا. يعني النبي صلى الله عليه وسلم يعني انا النهاردة تعban يا اخي انا - 00:29:50

اتعبد لله ان انا النهاردة انا اتعبد لله ان انا اعطي لبدن بس لما اصحى بقى ان شاء الله بازن الله اجتهد واعود. بازن الله سبحانه

وتعالى. الكلام ده ممکن يفيدك وممکن يضرك - 00:30:00

لو انت ها لو انت عايزة تنايم اصلا ها عايزة تنايم بقى ومستنى حد يديك حجة يا ابا الله اكبر اه انت بتطعني في سلفيتي! ده انا خدت ده
انا متعود من الاول ان انا لازم ابقى مساليون في تصور الهدف مساليون في تصور الطريق - 00:30:12
ده انا من الاول لازم ابقى ايه اتولد ما فيش الكلام ده يا ابني. الكلام ده والله العزيم. لو انت حاولت وانت هتتكسر. يعني مش
مش لو انت مش انا - 00:30:32

قل لك الكلام بقى ايه انا بقول لك الكلام ده وانا قلبي يعني زعلان انما هو ده الواقع. هو الواقع انت لازم هتقبل انك انت مش قطر. وانك
انت مش هتتولد قطر - 00:30:42

وانك انت لازم تبقى فاهم كوييس جدا ان مش كل ليلة هتقوم ليل. يا راجل انت بتقول ايه؟ ومش كل يوم هتقعد جلسة دعاء لو انت
مش هتقعد عليها. يعني فيه ناس ربنا ايه - 00:30:52

ان الله يسر لداوود القرآن اللي هو الزبور يعني بتاعه حتى كان بينما يسرج فرسه آآ يختم الايه؟ يختي يقرأ الزبور كله. يعني يعني
تخيل انت يدوروا لك العربية بتاعتك بس كده وايه ويطوعوها لك ويطلعوها لك ويفسلا لك الكاوتش. اه اما تتغسل في المشحمة
 تكون ختمت المصحف. هو ده ايه ده؟ ربنا - 00:31:02

ففي ناس ربنا ونبيسك لليسري. في ناس ربنا بيسيروا الطريق. انما ده عطاء من الله سبحانه وتعالى يعطيني من شاء. فمسألة انك
تفهم ان ان آآ الحاجات دي ما بتجييش في يوم فانت لازم تاخذ نفسك بايه؟ الكلام ده هيضر اللي عايزة ينام. انما الانسان المقبول على
الله اللي عايزة يموت نفسه عشان يصل لربنا الكلام ده هيريحه - 00:31:22

من عزاب ضمير ان هو ما هوش قطر. انما كده كده انت هتقوم الليل ليلتين ثلاثة في週間に三日三夜を費す。 يعني واحد الا لو انت بقى ما انتش كده
لو انت قاعد بتصلني دلوقتي وانت مش كده وربنا فتح عليك وبتقوم السبع تيام خلاص يا عم ايه اكتم على نفسك امرك انت ربنا رقالك
ربنا رفعك انما - 00:31:42

سکینة كده انت لو قمت ليلتين في週間に三日三夜を費す。 في週間に三日三夜を費す。 الأسبوع انت راجل بطل. انت لو قمت زهرة ليالي في週間に三日三夜を費す。 الأسبوع انت آآ يعني المفروض نديك وسام
آآ يعني انك انت يعني عملت حاجة لو قعدت خمس جلسات ضحي في週間に三日三夜を費す。 الأسبوع انت راجل حاجة يعني ما حصلتش. اه الكلام ده كلام
واقعي يا اخواننا. لازم نكون واقعيين في تصور الطريق - 00:31:59

فده التوازن الا تطبع ووضع الميزان الا تطبع في الميزان واقيموا الوزن بالقسط ولا تخسروا الميزان والارض وضعها للانام. عايزة تفهم
الارض وضعها للاماں نم انزل شارع الجلاء. عايزيين نعمل جولات في شارع الجلاء. بس مش جولات دعوية. جولات بكاء من نعم ربنا
سبحانه وتعالى. الشهدة الجاية بقى من اكتر الشوارع الايه - 00:32:19

يعني الواحد كده اما يحب كده يتكسر لنعم ربنا انزل امشي فيه. اه والارض وضعها. وضعها دي زي ما بيقول لك ايه؟ انا انا حطيت
ايه ده انا حطيت السفرة لحضرتك افضل كل بقى. آآ الارض وضعها وضع الام البو فيه. الارض دي او بن بو فيه. ربنا وضعها لك. ها؟
للاماں. الانام دي بعض العلماء قال لك مش - 00:32:39

من النوم يعني تخيل المناظر اللي يعني تهز قلبك فعلا واحد آآ نايم في الشقة بتاعته في شارع الجلاء ها آآ شارع شعبي يعني يا
اخوانا بقى فرق العمل اللي معنا يعني اللي هو مش آآ يعني مش عارفين المنصورة شارع الجرايد ايه بس شارع شعبي. آآ واحد نايم
كده ويصحى الساعة بقى عشرة بالليل بقى ايه - 00:32:59

اما اجيب اتنين كيلو بلح بقى واطلع اتعشى! يا عم البلح ده عشان يتزرع وعشان يطلع! انت نايم! ونزلت لقيت شارع كامل! ده محل
البان. الالبان دي من خير وده محل لحوم ده دين من خير ربنا وده محل دواجن. وده محل اسماك. بيعمل لك سمك وجمبري ومشوي
ومقلبي. وده محل فواكه. وده محل خضار - 00:33:19

منزr محل الفواكه طبعاً بيهرك ومنزr محل الخضار اللي راصص لك الفلفل جنب البطاطس جنب مش عارف ايه. اه وده محل عصائر.
جايب لك الفقرة وده محل اه احذية ده جنود اصلا من الالعاب وده محل ايه؟ وده مقلبي. اللب والفول والمش عارف ايه وده عطاره.

الاعشاب والحبوب وده تمشي كده - 00:33:39

انت انت ماشي في اوين بوفيه. انت ماشي غرقال في نعم الله سبحانه وتعالى. وانت ما انتاش حاسس. ما انتاش حاسس انت ايه كل نعمة والارض وضعها امان فيها فاكهة. اول حاجة ربنا بدأ بها مش الحب. اللي هو بقى القمح بقى الحبوب بقى اللي هي مقاومة حياتك اصلا ومصدر الطاقة في جسمك. لا - 00:33:59

سعد الاول الفاكهة. يعني الفواكه دي لمين واسمعنى انت والنخل ذات الالكمام؟ الالكمام الا جيوب يعني ايه؟ يقول لك حط حط الموبايل في كمك. اه احنا عندنا الكم اللي هو ده. انما لغة ده مش الكم - 00:34:19

الكم اللي هو الايه؟ اللي هو الجيب. ها يقول لك كان يضع الكتاب في كمه لكي يقرأ وهو يذهب الى المسجد. في تراجم بعضه على العلماء في السلف. ها - 00:34:34

حاطط كده كتاب في كمه عشان في الطريق للمسجد يقرأ سطرين مسلا ويكتب سطرين. فده الكوب اللي هو الجيب. فالنخل زات الالكمام النخل الجيوب بتاعة اللي فجأة تلاقيها طلع منها عشرين تلاتين اربعين كبلو بلح دول طلعواها منين دول؟ النخلة لها جيب ولا ده من خزائن الله سبحانه وتعالى؟ خزائن الله - 00:34:44

والحب ذو العصر. الحبوب اللي هي القوت بتاعتك. اللي هي بيطلع عليها ايه يا طارق وبيطلع عليها ايه؟ ها؟ الحبوب اللي بيطلع ايه؟ الزكا. ما يقتات ويدخل اللي هي قوتك. الحب ده - 00:35:04

ها اشمعنى الزكاة على الاقوات؟ لان دى القوت. فانت بتطلع من القوت عشان الفقير يبقى عنده ايه؟ عنده هو انت لو زرعت فراولة هتطلع اه ازيك يا فراولة ولا تطلعوا فلوس؟ - 00:35:20

برافو كده هتطلع فلوس مش هتطلع فراولة. انما لو زرعت انما الاقوات الاقوات دي هي القوت بتاع البشر. زي الرز كده بقوت. فانت لما بتدي للناس القوت انت بتدي للناس خزين القوت بتاع طول السنة. خدت بالك معى؟ طب العصف الايه؟ العصف اللي هو التبن بقى. اللي هو - 00:35:33

الرزایة دي بتمسل حجم قد ايه من زرعة الرز كلها ولا حاجة اصلا طب وبباقي الحكة ده كلها للباقي لأنعام للانعام فانت تخيل بقى ان انت انت بتاخذ حاجة قد ايه - 00:35:53

فرينا مطلع لك لك وللایه؟ وللهایم بتاعتك. انت والایه؟ الشلة كلها والحب ذو العصر والريحان. الله! يعني تخيل كده انت قاعد بقى في في اوين بوفيه فقام جايپ لك الاول اطباق فواكه كده وحاططها قدامك. وبعد كده قام جايپ لك بقى ايه والنخل بقى والفواكه وبعد كده قام جايپ لك بقى الطبيخ والاكل - 00:36:09

الرز والمش عارف ايه واللحمة بقى وال حاجات دي. وبعد كده قام جايپ لك بوكيه ورد كمان عشان يبقى الريحة حلوة وانت بتاكل. والريحان. يعني ان ربنا كمان العطور دي العطور - 00:36:29

دي من اعظم مظاهر ود الله للانسان. ومن اعظم مظاهر يعني حنان الله على الانسان. سبحانه وتعالى. والريحان من ربنا ليه ريحان يعني؟ اه ومن معاني طبعا ويحان الارزاق بقى ويقول لك ايه آآ الولد من ريحان الله. فبای الاء ربکما تکذبان؟ آآ ايه بقى؟ يعني انت انت شف اهوت شف قدام - 00:36:39

كده آآ يعني تعالوا نجمعها كده دلوقتي يا اخوانا بص فوق الشمس والقمر بحسبان بص تحت. الارض بص بقى لنفسك خلق الانسان. فوق كل حاجة فوق السماء رفعها والشمس والقمر وكل حاجة فوق - 00:36:59

رسائل رحمة لك وكل حاجة تحت الارض وضعها للانام رسائل الرحمة لك. وانت نفسك جسمك كل ده مجمع رحمات من الله سبحانه وتعالى. فسورة الرحمن بتوصلك يعني ايه فبقيه الهي ربك وتق الزباب. حياة القلب ايه بقى من كل اللي حواليك ده؟ انت مكذب به. ايه من كل اللي حواليك ده ما قصرش في قلبك حياة القلب - 00:37:15

وحياة القلب مع رحمات الله. انك انت سورة الرحمن بتوصلك ان يبقى عندك حياة قلب مع الله. انت ماشي كل حاجة حواليك اتحولت لرسالة رحمة من الله ورسالة حنان من الله سبحانه وتعالى. فانت ماشي قلبك مغبور بحنان الله وبرحمة الله. آآ ان شاء الله بقى نشد

بلى في السرعة بعد كده - 00:37:35

ان شاء الله بازن الله بعد كده شوية بازن الله. طبعا الدرس ده الدورة ديت فيه بعدها امتحان. ان شاء الله يعني هاجي لك في الامتحان كده اقول لك. اقول لك مسلا يعني ايه الريحان - 00:37:55

فانت تقول لي ايه فانت تقول لي معنى ايه ؟ اما اجي اقول لك مسلا آآآ اللي انا قلته لك بلى لما اجي اقول لك مسلا الشمس والقمر في حسبنا هتقول لي التلات معاني اللي انا قلتهم. لما اقول لك النجم - 00:38:05

اه ايه اللي هتقول المعاني اللي انا قلتها؟ ده اسمه شجر ايه ؟ يا شجاع هتقول لي المعاني اللي انا قلتها. اه بحسبان هتقول لي بحسبان يا اما بحسب دقيق يدل على عظمة وجلال الله - 00:38:16

يا اما بحسب دقيق يدل على رحمة الله وحنان الله بعباده. يا اما بايه الاجل بتاع لما اجي اقول لك ستفخر لكم ايها الثقلات. الثقلان اللي هو ايه هم ؟ وايه المعاني ؟ وايه الموضوع ؟ فانت ايه ؟ فانت لازم تاخد بالك من ايه ؟ من فباي - 00:38:26

الا ربكم تكذبان فيها قولين عشان لو جبناها سؤال. القول الاول يعني ايه الاء ؟ نعمة. نعم. والقول الثاني يعني ايه الاء ؟ ايات قدرة يعني ماشي جزاكم الله خيرا هي كده قدرة بيقى يا اما نعم بيقى ايه من مشاهد النعم اللي حواليك انت مش مصدقه الحاجة الثانية ايه بمشاهد القدرة العظيمة - 00:38:42

باهرة من حواليك اللي انت مش مصدقه فان شاء الله الامتحان هيبيقى لكم. ولا اخواننا بقى يعني آآ فرق العمل ان شاء الله بازن الله اللي معنا دلوقتي على البس المباشر - 00:39:01

بحيس ان احنا ان شاء الله بازن الله ايه يعني لعل الله يجعلنا كده من اهل القرآن الذين هم اهله وخاصته. انه ولی ذلك وال قادر عليه. ايه ؟ مذكرة. ايه ؟ مذكرة - 00:39:11

طب ما تعمل انت يا شيخ. اعمل انت مذكرة كده وخليلك كده. هو عموما على النت وحوش يعني ما تخافوش هم ان شاء الله بازن الله هيفرغوا الكلام ده تماما يعني ويعلموا لكم لونين - 00:39:21

يعني بازن الله سبحانه وتعالى وانت ايه ؟ معك استاذ الله اكبر الله اكبر ما شاء الله يا شيخ محمد والله. ده احنا معنا الاسود معنا استاذ محمد يا رجاله ربنا يبارك فيه ويحفظه. خليه لنا يا رب. سبحانهك اللهم وبحمدك. اشهد ان لا اله الا انت استغفرك واتوب اليك - 00:39:31